

պիտի մարմնանային հոյակապ եկեղեցիներով. հաւատքի ջերմու-
 անդուծիւնը լեռը պիտի զարդարէր զանազան ազգաց եկեղե-
 ցիներով և վանքերով: Առաջին հիմնարկուծիւնն էր Աշակերտա-
 րանը, ճիշդ ա՛յն տարին վրայ՝ ուր աշակերտք հաւաքուած էին
 Քրիստոսի վերջին գիշերը, և իրազեկ կ'ըլլային աշխարհի և մար-
 դոց նկատմամբ Քրիստոսի հաղորդած խորհրդաւոր գաղտնիքնե-
 րուն և միանգամայն կ'ուսանէին ազօթելու ստիպողականուծիւն-
 նը. երկրորդ եկեղեցին կը բարձրանար ճիշդ այն բրդի վրայ՝ ուր-
 ցէ մեր Փրկիչը համբարձաւ յերկինս:

2. Պատճամուծի ժողովներ Աւակերտարանի եւ Բլրի եկեղեցեաց մէջ.

Այս երկու եկեղեցեաց շինութենէն յառաջ, Աշակերտաց այ-
 րին մէջ և Համբարձման տեղւոյն վրայ կը կատարուէին պաշ-
 տամունք, նախապէս Երուսաղէմի առաջին եպիսկոպոս Ս. Յա-
 կոբոս Տեառնեղբոր և ապա՝ Ս. Կիւրեղ Երուսաղեմացւոյն յօ-
 րինաձ ընթերցուածոց կանոնին համաձայն: Մենք այս իսկ պատ-
 ճառաւ, նոյն երկու եկեղեցեաց հիմնարկուծեան և զանազան
 փոփոխութեանց պատմութիւնը գրելէ յառաջ, յարմար կը նկա-
 տենք նոյն նուիրական վայրերու մէջ տեղի ունեցած պաշտա-
 մունքի ժողովներու նկարագրութիւնը ընել: Այդ կանոնական
 սովորութիւնը, որ նախնական դարերէն կը հասնի մեզ, նուծեան
 բոյր մը ունի. այդ տեսակէտով է որ նոյն կանոններն աւանդող
 յիշատակարանները խիստ թանկագին են և շահեկան: Թէև մեր
 ձեռագիր ձաշոցները մեծագոյն մասով անոնց տեղեակ կ'ընեն
 մեզ, բայց աւելի հնագոյններն, ինչպէս Օքսֆորտի և Փարիզի
 Աղգային Մատենադարանի է. և Թ. դարու ձեռագիր ձաշոցներն,
 աւելի յստակ և մանրամասն կը նկարագրեն մեզ: Մեր Ս. Ա-
 թոռն ալ ունի երկաթագիր ձաշոց մը, որ Մաշկեոր Վանքին մէջ
 ընդօրինակուած է, 1192ին, Վարդան զրչի մը ձեռքով, և 1318ին
 ալ ի գործածութեան է մեր Ս. Հրեշտակապետի վանքին մէջ,
 յերուսաղէմ: Յայտնի է թէ ան ընդօրինակուած է հնամենի ձա-
 շոցէ մը: Պաշտամունքի ժողովներու մասին հաղորդած տեղեկու-
 թիւնները կը հասնին Դ. կամ Ե. դարէն: Նոյն երկաթագիր ձա-
 շոցէն կը քաղենք պաշտամունքի այն ժողովներուն նկարագրու-